

ԼՈՒԿԻՈՍ ՎԵՐՈՍԻ ՕՐՈՔ ՀԱՅԱՍՏԱՆՈՒՄ ԹՈՂԱՐԿՎԱԾ  
ՊՂՆՁԵ ԴՐԱՍՆԵՐ՝

ՌՈՒԲԵՆ ՎԱՐԴԱՆՅԱՆ

1978 թ. Զ. Պտուկյանը հրատարակեց պղնձե մի դրամ, որը նա ձեռք էր բերել, իր խոսքերով, վերջերս<sup>1</sup>: Դրամի դիմերեսի տիպը ներկայացնում է գույգ դիմապատկեր՝ հայկական թագով արքայի և, հետին պլանում, թագուհու կիսադեմը դեպի աջ: Նկատելի են շրջանաձև հունարեն գրությունը հետքեր: Դարձերեսին պատկերված է երկու սրածայր գագաթներով սար, որից վեր երևում է գրությունը՝ ...ICAP, իսկ ներքևում A տառը: Հեղինակը գրում է, որ սարն իր ձևով հիշեցնում է Կապադովկիայի Արդեոս լեռը: Նշելով, որ առայժմ հնարավոր չէ որոշել այդ դրամի պատկանելությունը, Զ. Պտուկյանը ենթադրում է, որ այն կարող է թողարկված լինել Տիգրան II-ի կողմից, երբ մ.թ.ա. 93 թ. գրավելով Կապադովկիան, նա Արիոբարզան I-ին հարկադրեց թողնել իր թագավորությունը և փախչել Հռոմ: Կատալոգում դրամը հարցականով վերագրված է Կեսարիա քաղաքի դրամահատարանին:

Այս տիպի գրամների պատկանելության և թվագրման վերաբերյալ մեկ այլ տեսակետ հայտնվել է Classical Numismatic group (այսուհետև՝ CNG) 36 № 637 դրամին նվիրված մեկնաբանության մեջ, որտեղ հեղինակը ակնարկում է Կոմմադենների արքա Միհրդատ I-ին և թագուհի Լատոնիկին (չուրջ 96 – 70 թթ. մ.թ.ա.): Այդուհանդերձ, առանց լրացուցիչ բացատրություն, դրամն այստեղ թվագրված է մ.թ.ա. 1 դ. կեսով: Միևնույն ժամանակ, վերջում նշված է, որ հարցը մնում է բաց<sup>2</sup>:

Այս դրամի մասին մինչև վերջերս հայտնի էր միայն այսքանը, քանի որ այդ ընթացքում հայտնի դարձած մի քանի մաշված ու վատ սլահվանված օրինակների վրա գրությունները մնում էին անընթեռնելի:

Հարցը նոր ընթացք ստացավ այն բանից հետո, երբ 2001 թ. հայտնի դարձավ ևս մեկ օրինակ այդ թողարկումից, հայտնաբերված հին Արտաշատում, որը թեև դեռ թույլ չի տալիս ունենալ դիմերեսի պատկերագրական մանրամասնությունների և գրության լրիվ նկարագրությունը, բայց հնարավորություն է ընձեռում ամբողջացնել դարձերեսի գրությունը և

\* Հոդվածի հակիրճ տարբերակը գեկուցվել է 2003 թ. սեպտեմբերին Մադրիդում կայացած XIII Միջազգային գրամագիտական կոնգրեսում: Կոնգրեսին մասնակցելու ինչպես գուցաբերած ֆինանսական օժանդակության համար մեր երախտագիտությունն ենք հայտնում Գալուստ Գյուլբենկյան Հիմնադրամին և Commission Internationale de Numismatique-ին:

<sup>1</sup> P. Z. B e d o u k i a n. Coinage of the Artaxiads of Armenia. London, 1978, № 128, p. 24, pl. 6.

<sup>2</sup> Classical Numismatic Group, Auction 36, December 5 & 6, 1995. p. 60, № 637.

Հնարավոր գտնվածները խոսել դրամի ստույգ թվագրման, պատկանելության և թողարկման հանգամանքների մասին (նկ. 1, մեծացված – նկ. 2.10):

Ներկայումս մեղ հայտնի է 10 օրինակ (նկ. 2.1-10), ներառյալ Հայաստանի պատմության թանգարանի կողմից 2002 թ. ձեռք բերված վերոհիշյալ դրամը:

Դրամի նկարագրությունը.

Դիմերես. Արքայի գլուխը աջ, անմորուս, հայկական թագով՝ գագաթին հինգ կուռստներով և վզկալով: Թագի ստորին եզրով կասկած ապարոշը պատկերված է երկու գծով, ծոծրակին երևում են փոքրիկ վարդակապը և ասարոշի ծայրերը՝ երկու ալիքավոր գծիկների տեսքով: Երևում է արքայի ականջի բլթակը: Դիմապատկերը ներքևում ավարտվում է զգեստի օձիքի սլտկերմամբ:

Երկրորդ սլանում, արքայի դեմքից աջ, երևում է երկրորդ կլիսագեմը, որի նուրբ դիմադեբը հուշում են, որ պատկերվածը կին է՝ թագուհի: Երևում են ճակատի վրա կախված մազավունջը և մաղերն օղակող ժապավենի մի փոքրիկ հատվածը:

Շրջանաձև տեղադրված հունարեն գրությունից նշմարվում են մի քանի տառերի ստորին ծայրերը՝ արքայի գլխի հետևում, և երեք տառ՝ ΚΞΡ, ΚΕΡ կամ ΚΕΒ (?), թագուհու գլխավերևում:

Դարձերես. Երկու կոնաձև, միմյանց կից, գառիթավի լանջերով ու սրածայր գագաթներով սարեր, աջ կողմինը մյուսից ավելի բարձր: Սարերի վրա ընդգծված են լեռնային ձորերը և լեռնաթմբերը, իսկ բարձր սարի վրա՝ նաև ձյունածածկ գագաթի սահմանը: Սարերի ստորոտում երևում է երեք փոքր սարերի կամ բլուրների շղթա, որոնցից մեջտեղինը՝ մի փոքր ներս ընկած, իսկ աջ կողմինը՝ մյուս երկուսից ավելի բարձր: Սարերից վեր, կիսաշրջանաձև դասավորությունում հունարեն գրությունը սկսվում է փոքր սարի ձախ լանջի մոտից՝ ΑΛΟΚΑΙΣΑΡ: Սարերից ցած, կենտրոնում Α տառը: Կետավոր շրջանակ:

Դրամների ցուցակը (նկ. 2)

	Կշիռը /գ	Տրամ./մմ	Առանցք. հարաբ./ժամ
1.	8.88	21	
		CNG 36 (1995), № 637 = Armenian Coins & Books Bulletin.19 (1998), № 38.	
2.	4.86	19	
		CNG 51 (1999), № 798	
3.	4.7		
		P. Z. Bedoukian. Coinage of the Artaxiads of Armenia, London, 1978, № 128	
4.	4.50	19.1	11
		Հայաստանի պատմության թանգարան (այսուհետև՝ ՀՊԹ) 18799/5, Գ. Մազլումյանից նվեր (1977)	
5.	4.45	19.7	12
		ՀՊԹ 19648/37, Ա. Այվազյանից նվեր (1989)	
6.	4.42	21.1	11

		Ա. Այվաղյանի ժողովածու	
7.	4.31	17	
		CNG 46 (1998), № 701	
8.	4.01	18.3	11
		Ա. Այվաղյանի ժողովածու	
9.	3.91	17	
		Y. T. Nercessian. Armenian Coins and Their Values, Los Angeles, 1995, № 122 = CNG 36 (1995), № 638	
10	3.91	18.6	11
		ՀՊԹ 1999Չ/78, Գ. Մաթևոսյանից գնված (2002)	

Դրամները միջին հաշվով 4 գրամից ավելի և մոտավորապես 19 մմ տրամագծով թողարկումներ են: Բացառություներ է կազմում միայն № 1-ը, որի կշիռը մյուսների միջին կշռի կրկնակին է: Առայժմ, սակայն, վաղ է այս թողարկման մեջ երկու տարբեր արժեքավերի մասին խոսելը:



Նկ. 1

Նորահայտ դրամի (նկ. 1 և նկ. 2.10) դարձերեսի գրությունն աներկբաբարձր են ընթերցվող KAICAP բառը ցույց է տալիս, որ այս թողարկումը կարող էր ի հայտ գալ մ.թ.ա. 27 թ. ոչ շուտ, երբ Գայոս Հուլիոս Օկտավիանոսը պաշտոնապես վերանվանվեց Կեսար Օգոստոս կայսր, և որից սկսած Կեսար անձնանունը վերածվելով տիտղոսի դարձավ Հռոմի կայսրերի պաշտոնական անվան սլարոնադիր բաղադրիչը: Ուստի միայն այս փաստով իսկ բացառվում է դրամները Տիգրան II-ին կամ Կոմմագենի Միհրդատ I-ին վերագրելու հնարավորությունը և դրանց վաղ թվագրումը:

Կան նաև երկու ոչ ուղղակի, բայց բավական ծանրակշիռ փաստարկներ, որոնք, եթե անգամ չլինեն վերոհիշյալ փաստը, վկայում են դրամները հելլենիստական ժամանակաշրջանով (այս հասկացության ընդունված սահմաններում) թվագրման գեմ: Հելլենիստական դրամական պատկերադրության մեջ չենք հանգիստի պատմական որևէ կոնկրետ իրադարձություն, աշխարհադրական վայր կամ ճարտարապետական որոշակի կառույց պատկերող դրամական տիպ: Պատմաքաղաքական որևէ կարևոր իրադարձության առիթով թողարկվող դրամների վրա հելլենիստական արքաներն այդ մասին հիշատակել էին տալիս այլաբանորեն՝ դիցաբանական


կիրառանքերի և խորհրդանշանների միջոցով: Տիգրան Մեծի դրամական պատկերազրույթունն ամբողջովին հելլենիստական ոգու և ավանդույթի սահմաններում էր: Հռոմեական դրամական պատկերազրույթունն իրական պատկերներ սկսում է «արձանագրել» (թե՛ համասլետական և թե՛ պրովինցիալ թողարկումներում) հանրապետության վերջին տասնամյակներից, բայց հակապես՝ Օգոստոս կայսեր ժամանակներից սկսած: Այս կոնսեքսսում միանգամայն հնարավոր ու հասկանալի է դառնում որևէ, այդ թվում նաև արքայական թողարկման համար սարը որպես դրամատիկ ընտրելու հանգամանքը:

Երկրորդ փաստարկն այն է, որ շրջանաձև դասավորությամբ գրույթունը, որն առկա է դրամի դիմերեսին, նույնպես հռոմեական պատկերազրույթուն հասկանիչ է՝ մ.թ.ա. 34–31 թթ. սկիզբ առած<sup>3</sup>:

Այսպիսով, այս դրամների թողարկման ժամանակը և դրանք թողարկող արքային պետք է փնտրել Օգոստոս կայսեր իշխանության սարիներից սկսած: Դիմերեսի պատկերատիպը և գրույթունը, այն վիճակում, ինչպիսին դրանք հայտնի են մեզ ծանոթ դրամների տվյալներով, շատ էլ խոստուն չեն, որովհետև թերի են: Եթե գրույթունն ամբողջովին ընթեռնելի լիներ, կարող էինք իմանալ արքայի, գուցե նաև թագուհու, անունները: Այդ կարևոր տվյալից առայժմ զրկված լինելով, տեսնենք, թե ինչով կարող է մեզ օգնել հիմա արդեն ամբողջությամբ ընթերցվող դարձերեսի գրույթունը:

Մեր ցուցակի №10 դրամի շնորհիվ այժմ ունենք դարձերեսի ԱՆՈՒՄԱՐ գրույթունը: ԱՆՈՒՄԱՐ բառը մեզ հուշում է, որ առաջին երեք սառերը այլ բան լինել չեն կարող, քան Հռոմի կայսեր անվան սկզբնասառերը: Սակայն ԱՆՈ տառերը հնարավոր է վերծանել, եթե մի փոքրիկ շտկում չկատարենք դրանցում: Իսկ այդ շտկման անհրաժեշտությունը սլարգ դարձավ այս դրամի և հունատառ հռոմեական դրամների գրույթուններում տառաձևերի ուղղորդ ղննումից, ինչպես նաև բոլոր կայսրերի հունարեն դրամական գրույթուններն աչքի անցկացնելուց հետո: ԱՆՈՒՄԱՐ բառի առաջին ալֆան (Α) գրված է այնպես, որ կրկնում է որպես լամդա (Λ): Այսինքն, կա՛մ սուր անկյուն կաղմող երկու թեք դժիկների միջև հորիզոնական գծիկը բացակայել է ի սկզբանե, կա՛մ այնքան թույլ է արտահայտված եղել, որ դրամի պահպանվածության այս վիճակում այլևս չի նշմարվում: Երկրորդ ալֆայի հորիզոնական գծիկը, թեև տառն ամբողջությամբ չի դրոշմվել հատածույլի վրա, այնուամենայնիվ, երևում է: Ոչ շատ հստակ, բայց երևում է նաև էքզերգում գտնվող միայնակ ալֆայի հորիզոնական գծիկը՝ Հելլենիստական դրամների վրա կարելի է հանդիպել ալֆայի գրույթան տարբեր ձևեր՝ Α, Λ, Α, Λ, ինչպես նաև կարելի է հիշատակել հարյուրավոր օրինակներ՝ թե՛ հելլենիստական, թե՛ կայսերական դրամների վրա, որտեղ ալֆան գրված է առանց հորիզո-

<sup>3</sup> P. В. В а р д а н я н. К вопросу о датировке двух групп армянских монет эллинистической эпохи. — "Историко-филологический журнал", 1987, №2, с. 203 — 204.



Նկ. 2

նական գծիկի<sup>4</sup>: Ընդ որում, նույն դրամի վրա կարելի է հանդիպել ալֆա տառը և՛ կանոնավոր գրուլթյամբ, և՛ առանց հորիզոնական դծիկի՝ լամդայի տեսքով՝ այնպես, ինչպես մեր դրամի վրա է: Ալֆա տառի գրուլթյան այս առանձնահատկությունը նկատի ունենալով, անդրադառնանք մեր բուն խնդրին: ԱՆՕ տառերը կարող են իմաստավորվել, եթե ընդունենք, որ երկրորդ Ա-ն իրականում Ա է, որի հորիզոնական գծիկը այժմ չի նշմարվում, կամ, պարզապես, չի եղել. ժամանակակիցներին լիովին պարզ էր, թե ում սկզբնատառերը և ինչու պետք է դրված լինեին այս դրամի վրա: Այսպիսով, դրամի դարձերեսի գրուլթյունն է՝ ԱՆՕ ΚΑΙϸΑΡ:

Կյսեր անունների, տիտղոսների հապավումը հռոմեական կայսրուլթյան տարածքում թողարկվող թե՛ լատիներեն, թե՛ հունարեն դրուլթյամբ դրամների վրա լայնորեն տարածված երևուլթ էր: Գրուլթյունները երկար էին, իսկ դրամի վրա գրուլթյան համար տեղը քիչ էր, այդ պատճառով հարկադրաբար դիմում էին բառերը հասկանալու եղանակին: Գրուլթյունների ուսումնասիրուլթյունը ցույց է տալիս, որ կային հապավման որոշ կանոններ, բայց թեև դրոշմ, այնուամենայնիվ, տեղի սահմանափակուլթյունն էր, ու եթե այն հարկադրում էր, ապա այդ կանոնները հեշտուլթյամբ խախտվում էին: Այդպիսի օրինակներից մի քանիսը կհիշատակենք քիչ ուշ, իսկ այժմ տեսնենք, թե ինչ կտրող են նշանակել ΚΑΙϸΑΡ բառին նախորդող ԱՆՕ տառերը:

Այդ տառերի և ամբողջ դրուլթյան վերծանման միակ հնարավոր տարբերակը հետևյալն է՝ Ա[ΟΥΚΙΟΥ] Α[ΥΡΗΛΙΟΥ] Ο[ΥΗΡΟΥ] ΚΑΙϸΑΡ - Լուկիոս Ավրելիոս Վերոս Կեսար՝ 161–169 թթ. Մարկոս Ավրելիոսի հետ համատեղ իշխած Լուկիոս Վերոս կայսեր անունը:

Ահա Լուկիոս Վերոսի անվան հիշատակուլթյամբ դրամական դրուլթյունների մի քանի օրինակներ, որոնցում պարզ երևում է ոչ միայն բառն ազատորեն հապավելու, այլև կայսեր անվան չորս բաղադրիչներն անպայմանորեն պահպանելու սկզբունքը<sup>5</sup>:

ΑΥΤ[ΟΚΡΑΤΩΡ] ΚΑΙ[ϸΑΡ] Α[ΟΥΚΙΟΥ] ΑΥΡ[ΗΛΙΟΥ] ΟΥΗΡΟΥ (№ 1811)

ΑΥΤ[ΟΚΡΑΤΩΡ] ΚΑΙϸ[ΑΡ] Α[ΟΥΚΙΟΥ] ΑΥΡΗ[ΛΙΟΥ] ΟΥΗΡΟΥ (№ 1824)

ΑΥΤ[ΟΚΡΑΤΩΡ] ΚΑΙ[ϸΑΡ] ΑΡΜ[ΕΝΙΑΚΟΥ] Α[ΟΥΚΙΟΥ] ΑΥΡΗΛ[ΙΟΥ] ΟΥΗΡΟΥ (№ 1823)

ΑΥΤ[ΟΚΡΑΤΩΡ] ΚΑΙϸΑΡ Α[ΟΥΚΙΟΥ] ΑΥΡ[ΗΛΙΟΥ] ΟΥΗΡΟΥ (№ 1872)

ΑΥΤ[ΟΚΡΑΤΩΡ] ΚΑΙ[ϸΑΡ] Α[ΟΥΚΙΟΥ] ΑΥΡΗΛ[ΙΟΥ] ΟΥΗΡΟΥ ΑΡΜ[ΕΝΙΑΚΟΥ] (№ 1847)

ΑΥ[ΤΟΚΡΑΤΩΡ] ΚΑΙ[ϸΑΡ] Α[ΟΥΚΙΟΥ] ΑΥΡΗ[ΛΙΟΥ] ΟΥΗΡΟ[ϸ] (№ 1810)

ΑΥ[ΤΟΚΡΑΤΩΡ] Κ[ΑΙϸΑΡ] ΑΟΥ[ΚΙΟΥ] ΑΥΡ[ΗΛΙΟΥ] ΟΥΗΡΟΥ

ΣΕΒΑϸ[ΤΗϸ] ΑΡΜΕΝΙΑΚΟΥ (№ 1834)

Α[ΟΥΚΙΟΥ] ΑΥΡΗ[ΛΙΟΥ] ΟΥΗΡΟΥ ΣΕΒ[ΑϸΤΗϸ] (№ 1859)

<sup>4</sup> Ավելորդ է անգամ այս կապակցուլթյամբ որևէ աշխատուլթյուն հղելը, որովհետև բավական է աչքի անցկացնել ուշ հելլենիստական և հռոմեական դրամներին վերաբերող որևէ կատալոգի լուսանկարների տախտակները՝ համոզվելու համար դրանց առատուլթյան մեջ:

<sup>5</sup> Օրինակները վերցված են D. R. S e a r. Greek Imperial Coins. London, 1982 գրքից: Փակագծերում հղված են դրամների կատալոգային համարները:

IMP[ERATOR] CAES[AR] L[VCIVS] AVR[ELIVS] VERVS AVG[VSTVS]  
ARM[ENIACVS] (№ 1875)

Լուկիոսը կայսեր անձնանունն էր և դրամների վրա սովորաբար գրվում էր միայն սկզբնատառով՝ Լ (լատիներեն) և Ա (հունարեն): Ավրելիոսը Անտոնինոս Պիոսի տոհմանունն էր, որը հավելվեց Լուկիոսի անվանը, երբ վերջինս որդեգրվեց Անտոնինոսի կողմից: Դրամների վրա այն հիշատակվում էր AVREL. (լատիներեն) և AYP., AYPH., AYPHA. (հունարեն) հապավված ձևերով: Նրա անվան երրորդ ընդհանրապես չէր վերցվում, նրա հոգեորդի գահակից եղբոր՝ Մարկոս Ավրելիոսի ազգանունն էր, որը, որպես կանոն, դրամների գրություններում տրվում էր լրիվ ձևով՝ VERVS (լատիներեն) և ΟΥΗΡΟC (հունարեն):

Հռոմում հատված համապետակտն դրամների վրա կայսեր լրիվ անվանը՝ Լուկիոս Ավրելիոս Վերոս, հանդիպում ենք միայն 161–163 թթ. թողարկումներում: Հետագայում, մինչև 169 թ. նա հիշատակվում է պարզապես որպես Լ. Վերոս:

Այլ է վիճակը պրովինցիալ լատինատառ և այսպես կոչված հունակայսերական թողարկումներում, որոնցում անկախ այն բանից, թե նրա գահակալման որ տարում են հատված դրամները, նա մեծ մասամբ հիշատակվում է իր բոլոր երեք անուններով՝ Լուկիոս Ավրելիոս Վերոս: Բայց կան նաև Լուկիոս Վերոս (կամ Բերոս), Լուկիոս Ավրելիոս, Ավրելիոս Վերոս և, անդամ, Լուկիոս էլիոս<sup>6</sup> Վերոս ձևերը: Որոշ թողարկումներում կայսրը հիշատակվում է միայն մեկ անվամբ՝ Վերոս, որն, ի դեպ, հանդիպում է նաև Մարկոս Ավրելիոսի կեսար եղած ժամանակ թողարկված դրամներում:

Համապետական և պրովինցիալ թողարկումները տարբերվում են նաև կայսերական տիտղոսների նկատմամբ վերաբերմունքով: Առաջիններում IMPERATOR և CAESAR տիտղոսները հանդիպում են միայն 161–163 թթ., մինչդեռ պրովինցիալ դրամների մեծ մասի գրություններում հանդես են գալիս որպես կայսեր հիմնական տիտղոսներ թողարկման վայրից ու ժամանակից անկախ: Հակառակ դրան, AVGVSTVS տիտղոսը սկզբից մինչև վերջ (161–163 թթ. Իմպերատոր և կեսար տիտղոսների հետ միասին) առկա է համապետական դրամների վրա, իսկ պրովինցիալ թողարկումներում, ոչ քիչ դեպքերում, դրան համարժեք հունարեն CEBACTOC տիտղոսը կարող էր և չհիշատակվել:

Պրովինցիալ թողարկումները բովանդակով թյամբ, բառերի դասավորությամբ և բառերը հասկանալի թյամբ բազմազանությամբ տալիս են 21 տարբերակ, որոնցից միայն 4-ն են համապատասխանում 161–163 թթ. ընթացքում Հռոմում թողարկված համապետական նշանակության դրամների գրություններին: Ի դեպ, Հռոմում հատված փոքր չափի դրամների վրա, ինչպես նաև նույն կամ արծաթե քվինարիոսները, տեղի սահմանափակությամբ սլատառով Իմպերատոր և կեսար տիտղոսները չէին հիշատակվում: 163 թ. վերջից մինչև 169 թ. Լուկիոս Վերոսի քվինարիոսները թո-

<sup>6</sup> Այս, ինչպես նաև Կոմոգոս անունները նա ստացել էր Անտոնինոս Պիոսի կողմից որդեգրվելու կապակցությամբ, բայց կայսր դառնալուց հետո դրանք չէին ընդգրկվել նրա պաշտոնական անվանաշարում:

ղարկվում էին L. VERVS AVG. կարճ գրությամբ, մինչգեռ մյուս բոլոր դրամների վրա այդ բառերին ավելացվում էին ARMENIACVS կամ ARM[ENIACVS], PARTH[ICVS] MAX[IMVS] հաղթական տիտղոսները: Պրովինցիալ թողարկումներից միայն մի քանիսում է հանդիպում ARMENIACVS կամ ARMENIAKOC տիտղոսը, իսկ PARTHICVS MAXIMVS-ն առհասարակ բացակայում է:

Վերը հիշատակված տվյալները խոսում են ինքնավար թողարկումների նկատմամբ հսկողութային խիստ կանոնների բացակայությունը մասին: Այս կոնտեքստում հասկանալի է դառնում Հայաստանում թողարկված դրամի գրության ինքնատիպությունը և հակիրճությունը՝ Λ. Α. Ο. ΚΑΙCΑΡ, որը կարելի է բացատրել դրա համար առկա տեղի սահմանափակությունը:

Նկատենք նաև, որ Լուկիոս Վերոսի անվամբ բոլոր ինքնավար թողարկումների գրություններում, բացառությամբ մեկի<sup>7</sup>, ΚΑΙCΑΡ տիտղոսը նախորդում է նրա անվանը: Մեր դրամի գրությունը բառերի դասավորությունում նմանվում է Լուկիոսի գահակից Մարկոսի անունով մի շարք ինքնավար թողարկումների գրությանը՝ Μ. ΑΥΡΗΑΙΟC ΟΥΗΡΟC ΚΑΙCΑΡ<sup>8</sup>, որն էլ, հավանաբար, նրա համար ծառայել է որպես օրինակ:

Այսպիսով, եթե արձանագրում ենք, որ քննարկվող դրամն առնչվում է Լուկիոս Վերոսի հետ, մնում է եզրակացնել, որ այն կարող էր թողարկել միայն Սոհեմ թագավորը, որին Լուկիոսը 164 թ. հաստատեց Հայաստանի գահին:

140–143 թթ. միջև Հռոմի կայսր Անտոնինոս Պիոսի թողարկած սեստերտի գարձեթեսին պատկերված թագադրման տեսարանը և REX ARMENIIS DATVS գրությունը վկայում են Հայաստանում 117 թ. իշխած Վաղարշ I-ի փոխարեն<sup>9</sup> մի նոր թագավոր նշանակելու մասին: Ո՛չ դրամն ինքը, ո՛չ էլ որևէ այլ աղբյուր, սակայն, չեն հիշատակում նորանշանակ արքայի անունը:

Իրոնդ, սեստերտ (նկ. 3.Ա)

Դիմերես. Անտոնինոս Պիոսի գլուխը աջ, գափնեպսակով: Գրությունը դիմի հետևում՝ ANTONINVS AVG. PΙ, առջևում՝ VS P.P.TR.P. COS. III: Կետավոր շրջանակ:

Իարձեբես. Անտոնինոս Պիոսը կանգնած, հանդիպահայաց, դեմքով ձախ, աջ ձեռքն իրենից ձախ կանգնած Հայաստանի արքայի գլխին դրած: Վերջինս պատկերված է հանդիպահայաց, գլուխը ձախ, աջ ձեռքը դեպի

<sup>7</sup> D. R. S e a r. Նշվ. աշխ. էջ 173, № 1878:

<sup>8</sup> Նույն տեղում, № 1568, 1601, 1606, 1609 և այլն:

<sup>9</sup> Պատմաբաններից ոմանք ենթադրում են, որ Վաղարշ I-ը գահընկեց է արվել, տե՛ս Յ. Մ ա Ր Կ Վ ա Ր տ. էջ մը հայ Արշակունեաց հնագոյն պատմութենէն. — «Հանդես Ամսօրյա», 1906, էջ 35-38, Ն. Յ. Ա ս տ ու Ր ե ա ն. Քաղաքական վերաբերութիւններ ընդմէջ Հայաստանի և Հռոմի մայ. Վենետիկ - Ս. Ղազար, 1912, էջ 214, Ս. Տ. Ե Ր Ե մ յ ա ն. Հայաստանի քաղաքական վիճակը մ.թ. II դարում. — Հայ ժողովրդի պատմութիւն (այսուհետև՝ ՀԺՊ). հ. 1, Երևան, 1971, էջ 780, իսկ մյուսները կարծում են, որ Վաղարշ I-ը վախճանվել է և նրա փոխարեն նշանակվել է նոր թագավոր, տե՛ս Հ. Մ ա ն ա ղ յ ա ն. Քննական տեսութիւն հայ ժողովրդի պատմութեան. Երկեր. հ. Բ, Երևան 1978, էջ 42 և ծանոթ. 2: К. В. Т р е в е р. Очерки по истории культуры древней Армении. М. — Л., 1953, с. 224.



ճակատը ծալած: Կետավոր շրջանակ: Գրությունը ձախից՝ REX ARME-  
NIIS, աջից՝ DATVS, ներքևում՝ S. C.<sup>10</sup>.

Պատմագիտություն մեջ ընդունված է այն վարկածը, որ Վաղարշ I-ից  
հետո, 140/1 թ. Հռոմի կողմից Հայաստանի թագավոր է նշանակվել Սոհե-  
մը, որի թագավորումն այնուհետև ընդհատվել է 161 թ. և վերականգնվել  
164 թ.: Այս ենթադրությունը հիմնվում է Տոտիուսի և Դիոն Կասսիոսի  
հաղորդած տեղեկությունների վրա<sup>11</sup>:

Ըստ 66 թ. Հռանդեայում կնքված հռոմեա-պարթևական հաշտության  
համաձայնագրի, Հայաստանի գահի թեկնածու պետք է առաջադրեր  
պարթևական կողմը, իսկ Հռոմի կայսրն ու սենատը պետք է վավերաց-  
նեին նրա գահակալումը: Անտոնինոս Պիոսն այդ պայմանը, հավանա-  
բար, խախտել էր: Պարթև արքայից արքա Վաղարշ III-ը (105-147 թթ.),  
ասլա՝ Վաղարշ IV-ը (147-191 թթ.) սպառնում էին պատերազմ սկսել ու  
վերականգնել իրենց ոտնահարված իրավունքները Հայաստանում: Հռոմի  
կայսրը կարողացավ գիվանագիտական ճկունությամբ առժամանակ խու-  
սափել պարթևների հետ ռազմական ընդհարումից: Սակայն, 161 թ. Ան-  
տոնինոս Պիոսի վախճանից քիչ անց, Վաղարշ IV-ը սկսեց վաղուց ծրագր-  
վող ռազմական արշավանքը գեպի Հայաստան, ասլա՝ Հյուսիսային Միջա-  
գետք և Սիրիա:

161 թ. պարթևական բանակը լծարով զորավարի հրամանատարությո-  
ւյամբ Հայաստանի հյուսիս-արևմուտքում գտնվող էլեգեթիա վայրում  
շրջապատեց և հիմնովին ջախջախեց Կասպագովկիայի կուսակալ Սևերիա-  
նոսի լեգիոնը: Մինչ այդ դեպքը, ըստ վերոհիշյալ վարկածի, Սոհեմը  
վտարվել էր Հայաստանից ու մեկնել Հռոմ, իսկ նրա փոխարեն Վաղարշ  
IV-ը հայերի վրա թագավոր էր դրել Բակուրին: Այնուհետև, պարթևներն  
իրենց ռազմական հաջողություններն արագորեն զարգացրին նաև Հյու-  
սիսային Միջագետքում և Սիրիայում, որտեղ նրանք գրավեցին Մծբինը,  
Եղեսիան և անցնելով Եփրատն ու փախուստի մատնելով Ասորիքի կառա-  
վարիչ Կոռնելիանոսին՝ հարձակումներ էին գործում սիրիական քաղաքնե-  
րի վրա<sup>12</sup>:

Հռոմի նորընծա կայսր Մարկոս Ավրելիոսը, սենատի հավանությունը  
ստանալով, Արևելք ուղարկեց իր եղբայր և գահակից կայսր Լուկիոս Վե-  
րոսին՝ պարթևական պատերազմն առաջնորդելու համար: Վերջինս ժա-  
մանեց Անտիոք 162 թ. վերջին, իսկ 163-ի գարնանը հռոմեական բանակը  
Ստատիոս Պրիսկոսի գլխավորությամբ ներխուժեց Հայաստան և նույն  
տարվա ընթացքում գրավեց Արտաշատ մայրաքաղաքը<sup>13</sup>:

<sup>10</sup> Ջ. Պոտիուս. Հայաստանի վերաբերյալ հռոմեական դրամներ և մեդալիոն-  
ներ. Վիեննա, 1971, էջ 87-88, № 34, H. M a t t i n g l y. Coins of the Roman Empire in the  
British Museum. Vol. IV, London, 1968, p. 204, pl. 29.2\* (այստեղ և ստորև՝ աստղանիշով  
նշված են այն դրամները, որոնց լուսանկարները գետեղված են մեր նկ. Յուսմ), Classical  
Numismatic Group, Auction 36 (1995), 670, Sammlung Nicolas V. Jamgochian, Antike Münzen,  
Katalog 340 (1994), 943:

<sup>11</sup> P h o t i u s. Bibliotheca, 94; D i o n, LXXI, 3.1.

<sup>12</sup> J u l i u s C a p i t o l i n u s. Scriptores historiae Augustae, Marcus Antoninus 8.6;  
D i o n, LXXI, 2.1.

<sup>13</sup> Նույն տեղում, 9.1; Verus 7.1; L u c i a n u s. Quomodo historia conscribenda sit, 20.



3.1x



3.1a



3.1b



3.2a



3.2b



3.2c



3.2d



3.3



Ֆրոնտոյի, ինչպես նաև Ֆրոնտուսի մոտ սլազականված Ասինիոս Կվադրատուսի համառոտ տեղեկությունները վկայում են, որ հռոմեա-հայկական պատերազմի ընթացքում, 161–163 թթ., Հայաստանի թագավորն էր Պակորը (Բակուրը)<sup>14</sup>: Հայաստանը վերանվաճելուց հետո, Պակորը զրկվեց թագավորությունից<sup>15</sup> ու տարվեց Հռոմ<sup>16</sup>, իսկ նրա փոխարեն Հռոմի կայսրերի ու սենատի կողմից Հայաստանի գահին հաստատվեց Սոհեմը<sup>17</sup>:

Հայկական պատերազմի հաղթական ավարար Հռոմում նշանավորեցին ոսկե, արծաթե և բրոնզե բազմաթիվ թողարկումներով, որոնցում նախ Լուկիոս Վերոսը, ապա նաև Մարկոս Ավրելիոսը հիշատակվեցին ARMENIACVS տիտղոսով: 164 թ. մի առանձին թողարկում, բաղկացած ոսկե աուրեոսներից, բրոնզե սեստերտներից և դուսլոնդիոսներից, նվիրվեց Հայաստանում նոր արքայի նշանակմանը:

Ոսկի, աուրեոս

1ա. Դիմերես. Լուկիոս Վերոսի կիսանդրին աջ, գալինեպսակով: Գրությունը գլխի հետևում՝ L. VERVS AVG., առջևում՝ ARMENIACVS: Կետավոր շրջանակ:

Դարձերես. Լուկիոս Վերոսը գինվորական զգեստով, բեմի վրա դրված կուրուլյան աթոռին նստած ձախ: Առաջ սլարզած աջ ձեռքն իր առջև ներքևում կանգնած Հայաստանի արքայի (Սոհեմի) գլխավերևում սլազած: Վերջինս սլատկերված է հանդիպահայաց, գլուխը ձախ, այ ձեռքը դեպի ճակատը ծալած: Կայսեր ձախ և աջ կողմերում, բեմի վրա, պատկերված են դեպի ձախ կանգնած երկու անձնավորություններ, ձախ կողմում կանգնածի ձեռքին կա ուղղաձիգ բռնած սուր: Կետավոր շրջանակ: Գրությունը. վերևում սլատածև՝ ձախ կողմում՝ TR. P. IIII, աջ կողմում՝ IMP. II COS. II, ներքևում երկու տողով՝ REX ARMEN. / DAT<sup>18</sup>, (նկ. 3.1ա):

1բ. Նույնը, բայց դարձերեսին կայսեր ձախ կողմում կանգնած անձնավորությունն աջ ձեռքում բռնած սուրը հենել է ուսին<sup>19</sup> (նկ. 3.1բ):

<sup>14</sup> F r o n t o. Epistolae, II.1; Asinius Quadratus, Parthica, fr. 9 (P h o t i u s. Bibliotheca, 94).

<sup>15</sup> F r o n t o. Epistolae, II.1.

<sup>16</sup> Այս մասին վկայում է XVI դ. Հռոմում հայանաբերված հունարեն արձանագրությունը, տե՛ս K. B. T p e v e p. Նշվ. աշխ., էջ 237–242:

<sup>17</sup> F r o n t o. Epistolae, II.1: “Marcus Aurelius quod Sohaemo potius quam Vologaesio regnum Armeniae dedisset aut quod Pacorum regno privasset” (Մարկոս Ավրելիոսը նախընտրեց Հայաստանում թագավորությունը տալ Սոհեմին, այլ ոչ թե Վաղարշին, իսկ Պակորին զրկեց թագավորությունից): Մարկվարան իրավափոխներն նկատել է, որ այստեղ հիշատակված Վաղարշը չի կարող արքայից արքա Վաղարշ IV-ը լինել, այլ թերևս նրա որդին, ասպագ Վաղարշ V-ը: Այսինքն, Պակորի փոխարեն սլարթները, հավանաբար, որպես հայկական գահի թեկնածու են առաջադրել Վաղարշին, բայց Հռոմը նախապատվությունը սվել է Սոհեմին, տե՛ս Յ. Մ ա Ր Կ Վ Ա Ր ՈՒ. Նշվ. աշխ., էջ 38, ծան. 3 և 2. Մ ա ն ա ն դ յ ա ն. Նշվ. աշխ., էջ 47:

<sup>18</sup> Ձ. Պ տ ո ս Է Կ ե ա ն. Նշվ. աշխ., էջ 103, № 50, H. M a t t i n g I y. Նշվ. աշխ., էջ 426, տախտ. 58.11\* (աստղանիշով նշված են այն դրամները, որոնք պատկերված են մեր նկ. 3-ում):

<sup>19</sup> Numismatic Fine Arts, Auction XXXII (1993), 321; Sammlung Nicolas V. Jamgochian..., no. 976\*.

1դ. Նույնը, բայց դարձերեսի գրությունը՝ REX ARMENIIS DATVS IMP. II TR. P. III COS. II<sup>20</sup>:

Բրոնզ, սեստերտ

2ա. Դիմերես. Նույնը, բայց դրոսթյունը գլխի վերևում՝ L. AVREL. VERVS AVG., առջևում՝ ARMENIACVS:

Դարձերես. Նույն տեսարանը, բայց Լուկիոս Վերոսի ձախ և աջ կողմում պատկերված են երեք անձնավորություններ, որոնցից ձախ կողմինը՝ դեմքով դեպի Լուկիոսը, աջ ձեռքում ուղղաձիգ դիրքով սուր բռնած, իսկ Լուկիոսի և նրա հետևում կանգնած անձնավորության միջև՝ հանդիսա-հայաց պատկերված գլուխ: Գրությունը շրջանաձև՝ REX ARMENIIS DATVS IMP. II TR. P. III COS. II, ներքևում՝ S. C.<sup>21</sup>, (նկ. 3.2ա):

2բ. Նույնը, բայց դարձերեսին պայտաձև դրոսթյուն՝ TR. P. III IMP. II COS. II, ձախ դաշտում՝ S., աջում՝ C., ներքևում երկու տողով՝ REX ARMEN. / DAT.<sup>22</sup> (նկ. 3.2բ):

2գ. Նույնը, բայց դարձերեսին Լուկիոսի ձախ կողմում պատկերված անձնավորությունը դեպի ձախ<sup>23</sup> (նկ. 3.2գ):

2դ. Նույնը, դարձերեսին Լուկիոսի ձախ կողմում պատկերված անձնավորությունը դեպի ձախ, բայց աջ ձեռքում բռնած սուրը Սոհեմի գլխավերևում դեպի առաջ պարզած<sup>24</sup> (նկ. 3.2դ):

Բրոնզ, դուպոնդիոս

3. Նույնը (ինչպես 2դ)<sup>25</sup> (նկ. 3.3):

Դրամները հատվել են Հռոմում, և կայսեր տիրոջ սնների հիման վրա թվադրվում են 163 թ. դեկտեմբերից մինչև 164 թ. դեկտեմբեր ընկած ժամանակահատվածով:

Ուշագրավ է, որ այսպիսի դրամներ թողարկվել են միայն Լուկիոս Վերոսի դիմապատկերով, և որ Հայաստանի արքային թագադրողի դերում հանդես է գալիս հենց Լուկիոս Վերոսը: Այսինքն, վերջինս ներկայանում էր ոչ միայն որպես հայկական պատերազմում հաղթող, այլ նաև նոր թագավորի նշանակման անմիջական նախաձեռնող և իրագործող: Ոչ մի հետազոտող չի տարակուսում, որ դրամների վրա պատկերված թագադրվող արքան Սոհեմն է: Սակայն առայժմ հռոմեական ո՛չ այս դրամները, և ո՛չ էլ խնդրո առարկա հայկական դրամը լույս չեն սփռում Սոհեմի անձի և նրա թագավորման մշտնջուտ պատմության վրա:

<sup>20</sup> Ձ. Պ տ ու կ ե ս ն. նշվ. աշխ., էջ 104, № 51, H. M a t t i n g l y, նշվ. աշխ., էջ 426, ծանոթ. 302: Լուսանկարները չկան, և նկարագրությունից պարզ է, թե դարձերեսի ո՞ր տարբերակն է:

<sup>21</sup> Ձ. Պ տ ու կ ե ս ն. նշվ. աշխ., էջ 119-120, № 148, H. M a t t i n g l y, նշվ. աշխ., էջ 562 տախտ. 75.8; Classical Numismatic Group, Auction 46 (1998), № 706\*:

<sup>22</sup> Ձ. Պ տ ու կ ե ս ն. նշվ. աշխ., էջ 120, № 150, H. M a t t i n g l y, նշվ. աշխ., էջ 563, տախտ. 76.1; Sammlung Nicolas V. Jamgochian..., № 978\*:

<sup>23</sup> Ձ. Պ տ ու կ ե ս ն. նշվ. աշխ., էջ 104, № 151, H. M a t t i n g l y, նշվ. աշխ., էջ 562, ծանոթ. 1101-1102; Sammlung Nicolas V. Jamgochian..., № 977\*; Italo Vecchi 4 (1996), № 238:

<sup>24</sup> Հ ՊԹ 17620/12, 29.93 դ, 32 մմ, նվեր Գ. Գալաճյանից :

<sup>25</sup> Ձ. Պ տ ու կ ե ս ն. նշվ. աշխ., էջ 132-133, № 222, H. M a t t i n g l y, նշվ. աշխ., էջ 566, տախտ. 76.6A\*:

Ըստ Սոհեմի ժամանակակից Յամբլիքոսի, որին մեջբերում է Ֆոտիոսն իր *Bibliotheca*-ում, Սոհեմը սերում էր աքեմենյան և արչակունյան ծագում ունեցող արքայական տոհմից: Եթե հետևենք Ֆոտիոսի շարադրանքի հաջորդականությանը, նա եղել է թագավոր, ապա դարձել է Հռոմի ծերակույտի անդամ և Հյուսիսայտոս, հետո կրկին դարձել է Մեծ Հայաստանի թագավոր<sup>26</sup>: Իսկ Դիոն Կասսիոսն ասում է, որ «Մարտիրոս Վերոսն ուղարկել էր Թուկիդիդեսին, որպեսզի նա Սոհեմոսին վերստին բերի Հայաստան»<sup>27</sup>: Ահա այս տեղեկությունների և Անտոնինոս Պիոսի ու Լուկիոս Վերոսի հռոմեական վերոհիշյալ դրամների տվյալների համագրությունը հիմնավորվում է այն վարկածը, որ Սոհեմը Հայաստանում իշխել է երկու անգամ՝ 140/1-ից մինչև 161 թ. և 164-ից սկսած: Վաղարշ IV-ի ներխուժումը Հայաստան նրան հարկադրել է թողնել թագավորությունն ու տեղափոխվել Հռոմ, որտեղ էլ, 161-163 թթ. ընթացքում, նա դարձել է սենատոր և կոնսուլ:

Կա նաև այլ վարկած, ըստ որի Սոհեմը Հայաստանում իշխել է միայն 164 թ. սկսած: Այս վարկածի հեղինակներից առաջինը Մոմգենն էր, որը հիմնվելով Ֆրոնտոսի «Մարկոս Ավրելիոսը նախընտրեց Հայաստանում թագավորությունը տալ Սոհեմին, այլ ոչ թե Վաղարշին, իսկ Պակորին ղրկեց թագավորությունից» (*Fronto, Epistolae* II, 1) և Լ. Վերոսի *rex armenius datus* գրությունը վերոհիշյալ դրամների վրա բացառել է Սոհեմի մինչ այդ թագավոր եղած լինելու հնարավորությունը<sup>28</sup>:

Մեկ այլ հեղինակ, Հ. Դոգդը, ելնելով այն փաստից, որ Մ. Ավրելիոսի և Լ. Վերոսի 168 թ. թողարկումներում կրկին հայտնվում են արևելյան իրադարձություններն ակնարկող երկու տիպեր, ենթադրում է, որ Տրդատ սատրապի ապստամբությունը տեղի է ունեցել Լուկիոս Վերոսի Հռոմ վերադառնալուց հետո, որի ընթացքում Սոհեմը ստիպված է եղել թողնել Հայաստանը և ասլաստանել 166 թ. Կասպեոսի կառավարիչ նշանակված Մարտիրոս Վերոսի մոտ: Վերջինս, հնագանդեցնելով ասլաստամբներին և ձերբակալելով Տրդատին, ոմն Թուկիդիդեսի հրամայում է Սոհեմին ուղեկցել Հայաստան և վերահաստատել իր դահին: Այս իրադարձությունները կարող էին առիթ հանդիսանալ դրամական սլատկերատիպերում հայկական թեմայի վերականգնման համար<sup>29</sup>:

Սրանից երկու տարի անց հրատարակված մի հոդվածում Ա. Պրեմերշտայնը, ծանոթ չլինելով Հ. Դոգդի վերոհիշյալ դատողություններին (քանի որ դրանց մասին չի հիշատակում), միայն դրավոր աղբյուրների քննության հիման վրա հանգել է հիմնականում նույն եզրակացությունը:

<sup>26</sup> P h o t i u s. *Bibliotheca*, 94. «...Աքեմենյան Արչակունյան Սոհեմոսի ժամանակ, որը թագավոր էր և հաջորդել էր իր նախնիներին, որոնք նույնպես եղել էին թագավորներ: Բայց նա նաև Հռոմի ծերակույտի անգամ եղավ ու նաև Հյուսիսայտոս և հետո կրկին անգամ դառավ թագավոր Մեծ Հայաստանի» (թարգմ. ըստ Հ. Մ ա ն ա ն դ յ ա ն. *Քննական տեսություն...*, էջ 42-43):

<sup>27</sup> D i o n, LXXI, 3.1.

<sup>28</sup> Այս տեսակետի մասին տե՛ս A. V. P r e m e r s t e i n. *Untersuchungen zur Geschichte des Kaisers Marcus.*—“Klio”, Bd. XIII (1913), S. 90.

<sup>29</sup> C. H. D o d d. *Chronology of the Eastern Campaigns of the Emperor Lucius Verus.*—“Numismatic Chronicle”, № XI (1911), pp. 260-265.

Ըստ Պրեմերշտայնի, Սոհեմը, 164 թ. նշանակված լինելով թագավոր, մի քանի տարի անց Տրդատի բարձրացրած ապստամբության պատճառով հալածվում է Հայաստանից: Վերջինս, հավանաբար, սերում էր Արշակունիների արքայական տոհմից և կարող էր ազգակցական կապ ունենալ մ. թ. I դ. Հայաստանում թագավորած Տրդատի հետ: Կապադովկիայի կառավարիչ նշանակված Մարտիրոս Վերոսը, որն այդ պաշտոնը ստանձնել էր հռոմեա-պարթևական պատերազմից հետո (166 թ.), ճնշելով Հայաստանում ծաղած ապստամբությունը և ձերբակալելով Տրդատին՝ Թուկիդիդեսի, հավանաբար կապագովկիական երկու լեգիոններից մեկի հրամանատարի, ուղեկցությամբ մոտավորապես 172 թ. Սոհեմին վերահաստատում է իր գահին: Եվ միայն այդ ժամանակ է, որ 164 թ. Պրիսկոսի կողմից հիմնադրված Կայնեպոլիսը, ուր տեղավորվել էր հռոմեական կայազորը, Մարտիրոս Վերոսի կողմից հայտարարվում է Հայաստանի գլխավոր քաղաք՝ Արտաշատի փոխարեն<sup>30</sup>:

Դժվար է անվերապահորեն ընգոնել երկու հիմնական վարկածներից որևէ մեկը, քանի որ աղբյուրներում անորոշությունները շատ են: Սակայն, հավանականություն առումով, ավելի նախապատվելի է թվում երկրորդը: Նախ, մենք չգիտենք 140–143 թթ. Անտոնինոս Պիոսի կողմից Հայաստանում նշանակված թագավորի անունը: Արդյո՞ք այն իրոք Սոհեմն էր: Ինչպես ճիշտ նկատել է Հ. Դոդդը, պատերազմում հռոմեացիների գլխավոր խնդիրը Հայաստանում դրածո թագավոր ունենալն էր, որը Լուկիոս Վերոսը նշանավորեց դրամական հատուկ թողարկումներով: Այդ դեպքում, թագավորն ինչո՞ւ պետք է Հայաստան բերվեր երրորդական կարգի պաշտոնյայի ուղեկցությամբ: Այլ բան է, եթե նա վերահաստատվել է իր գահին ապստամբությունից հետո:

Այժմ անդրադառնանք դրամի դարձերեսին պատկերված սարին, որը Արդեոս լեռը լինել չի կարող այն պատճառով, որ բոլորովին նման է այդ լեռանը: Արդեոսը (այժմ՝ Էրջիլաս) երեք գագաթներ ունեցող հրաբխային լեռ է (նկ. 4): Նրա հյուսիսային լանջին էր գտնվում Կապադովկիայի մայրաքաղաք Մաժաքը (Μαζακκα), հելլենիստական շրջանում Եվսեբիա, իսկ մ.թ.ա. 12–9 թթ. միջև՝ Կեսարիա վերանվանված (այժմ՝ Կայսերի)<sup>31</sup>, որը Հռոմեական կայսրությունում նույնանուն երեք խոշոր քաղաքներից մեկն էր, Փոքր Ասիայի քաղաքական և ուղմական կարևորագույն կենտրոնը: Մաժաքի և Արդեոս լեռան հետ է կապվում հայ հնագույն առասպելներից մեկը, ըստ որի արմենների նախահայր Արամը այս վայրում հաղթել է Պայասլիս Բաղյա Տիրանյանին<sup>32</sup>, որը ստորերկրյա հրաբխային կործանիչ ուժերը մարմնավորող հունական Տրիփոնի տարբերակն էր (սրան հաղթել ու Տարտարոս էր նետել Ջեսը): Բաղաքը Կեսարիա վերանվանվե-

<sup>30</sup> A. V. P r e m e r s t e i n. Նշվ. աշխ., էջ 88–91:

<sup>31</sup> W. W r o t h. Catalogue of the Greek Coins of Galatia, Cappadocia, and Syria. British Museum: reprint, Bologna, 1964.

<sup>32</sup> Մ ո վ ս ե ս ի ն ո բ ն ա ղ ի. գ. Ա, գլ. ԺԴ: Հայ ժողովրդի վաղագույն շրջանի պատմության կոնտեքստում այս առասպելի մեկնաբանության մասին տե՛ս Հ. Մ ա ն ո ս դ յ ա ն. Նշվ. աշխ., էջ 25–29, ՀԺՊ 1, էջ 233–235, 1971, Ս. Լ ա ը ո լ թ յ ու ն - յ ա ն. Հայ առասպելաբանություն. Բեյրութ, 2000, էջ 116–117:



Նկ. 4



Նկ. 5

լուց ի վեր մինչև Գորդիանոս III կայսրը (238–244 թթ.) նրանում գործող զրամահատարանը Արևելքի երեք գլխավոր զրամահատարաններից մեկն էր (մյուս երկուսն Եգիպտոսի Ալեքսանդրիա քաղաքինը և Սիրիայի Անտիոքինն էին)։ Կեսարիայի զրամահատարանը թողարկում էր արծաթե և բրոնզե, զերազանցապես ղուտ հռոմեական պատկերազրույթյան զրամներ։ Միակ բացառությունը, ինչպես նշում է Վ. Ռոթը, Արգեոս լեռը ներկայացնող տիպն էր, գանազան տարբերակներով (նկ. 5), որն առաջին անգամ հայտնվում է Կապադովկիայի Արքեպոս թագավորի բրոնզե զրամների դարձերեսին մ.թ.ա. 36–10 թթ. ընթացքում<sup>33</sup>։ Այստեղ Արգեոսը պատկերված է իր երեք գագաթներով, որոնցից ամենաբարձրի գագաթին (Մեծ Արգեոս) կանգնած է սարի նկատմամբ անհամաչափորեն խոշոր, թևատարած արծիվ (Wroth 1964, Pl. VIII, 1)։ Սրան հաջորդած մեկ այլ՝ Տիբերիոս կայսեր օրոք թողարկված զրամի վրա լեռան ամենաբարձր գագաթին պատկերված է մերկ տղամարդ, կանգնած, երբեմն ճառագայթավոր պսակով, աջ ձեռքին դուռնդ, ձախում՝ գավազան (Wroth 1964, Pl. VIII, 8)։ Այս տիպը, պատկերաբանական մանրամասներում որոշ տարբերություններով, շատ անգամ հանդիպում է հետագա կայսրերի թողարկումներում (Wroth 1964, Pl. VIII, 12, Pl. IX, 6, 7; Pl. X, 6, Pl. XI, 11 և այլն)։ Սրան հետևում և նախորդի հետ զուգահեռ հանդես են գալիս հետևյալ տիպերը. լեռան գագաթին պսակ (Wroth 1964, Pl. IX, 2, Pl. X, 8, XIII, 2) կամ աստղ (Wroth 1964, Pl. X, 17, 18, 20, Pl. XI, 4, 16), մեկական աստղ յուրաքանչյուր գագաթին (Wroth 1964, Pl. X, 7), բարձր գագաթին դուռնդը և գավազանը ձեռքին մերկ տղամարդ, իսկ ցածր գագաթների վերևում՝ աստղ և մահիկ (Wroth 1964, Pl. X, 6), լեռան գագաթին պատկերված կոնաձև շինություն (Wroth 1964, Pl. XI, 1), բարձր գագաթին աստղ, իսկ ձախ կողմի ցածր գագաթին՝ մահիկ (Wroth 1964, Pl. XI, 15), լեռան բարձր և երկու ցածր գագաթներին կանգնած, ձախ ձեռքում գավազան բռնած տղամարդիկ, իսկ լեռան ստորոտին՝ տետրաստիլ տաճար (Wroth 1964, Pl. XI, 19), նույնը, բայց ցածր գագաթների վրա կանգնած տղամարդկանց փոխարեն՝ աստղ և մահիկ (Wroth 1964, Pl. XII, 3)։ Սրանցից բացի, Արգեոսը զրամների վրա պատկերված է որպես  $\alpha\chi\alpha\lambda\mu\alpha$ ՝ լեռան պատկերը մանրակերտի տեսքով, հավանաբար՝ տաճարում իբրև նվիրատվություն մատուցվող։ Առաջին անգամ այն հայտնվում է Կոմոդոսի օրոք (176–192) թողարկված զրամների վրա, երբեմն զոհասեղանին դրված (Wroth 1964, Pl. XI, 9, 13; Pl. XII, 1, 7), քառաձի հաղթակառքի վրա կանգնած Սևերոս Ալեքսանդր կայսեր ձեռքում (Wroth 1964, Pl. XII, 9), Սարապիս աստվածույթյան ձեռքում (Wroth 1964, p. XXXIV), գիստիլ տաճարի ներսում (Wroth 1964, Pl. XII, 4, 12)։

Արգեոս լեռան պատկերով զրամական տիպերի նույնիսկ այս ոչ լրիվ և պատկերազրական ոչ բոլոր մանրամասնություններով թվարկումը վկայում է ժամանակի կրոնական պատկերացումների համակարգում Արգեոս լեռան արտակարգ կարևորությունը մասին։ Վ. Ռոթի կարծիքով, մինչև հռոմեացիների գալը լեռը, անկասկած, ունեցել է իր տեղական աստվա-

<sup>33</sup> W. W r o t h. Նշվ. աշխ., էջ XXXV; XXXIV, note:



ծովթյունը, իսկ հոռմեացիների օրոք լեռան պաշտամունքը հարմարեցվել է աստվածացված կայսեր պաշտամունքին: Լեռան դագաթին պատկերվող անձնավորութունը կարող էր լինել աստվածային Օգոստոսը և Հելիոսը՝ նույն կերպարի մեջ միավորված<sup>34</sup>: Այս մեկնաբանությունը, որն ըստ երևույթին ճիշտ է, լիովին չի բացատրում Արգեոս լեռան և դրա «առանցքի» շուրջը ձևավորված պաշտամունքային ամբողջ համալիրի էությունը: Իսկ որ այն եղել է բավական բարդ ու բազմազործառուլթային, կարելի է դատել դրամական տիպերում պաշտամունքային տարրերի բաղադրանությունից և դրանց բազմապիսի համադրություններով հանդես գալու հանգամանքից:

Արգեոս լեռան դրամական տիպերի մեկնաբանության խնդիրն ուղղակիորեն չի առնչվում այս հոդվածի թեմային: Տվյալ հարցի կապակցությամբ մեզ ավելի հետաքրքրում է այն, թե դրամների վրա ինչպես էր պատկերվում Արգեոս լեռը: Շատ դեպքերում այն պատկերվում էր որպես շատ թե քիչ ընդգծված եռագագաթ սար, վիհերով ու բլրակներով կտրտված ռելիեֆով: Լեռան լանջերին եղել են անտառակներ, որոնք որոշ տիպերում ներկայացված են լեռան երկու կողմից բարակ գծիկների տեսքով: Կան, սակայն, դրամներ, որոնց վրա դժվար է ճանաչել Արգեոս լեռան ուրվագիծը, քանի որ այն կա՛մ կոնաձև միագագաթ սարի տեսք ունի (Wroth 1964, Pl. X, 14, 17, 18, 20, Pl. XI, 4), կա՛մ հստակ չեն նրա երկու ցածր գագաթները՝ Հողային և Փոքր Արգեոսները (օր. Wroth 1964, Pl. IX, 6; Pl. XI, 11): Այնուամենայնիվ, ոչ մի դրամի վրա Արգեոսը չի ստացել այնպիսի տեսք, ինչպիսին մեր դրամների վրա պատկերված սարն է: Զգալիորեն տարբեր է նաև պատկերման ոճը: Կեսարիայի թողարկումներում Արգեոսի պատկերները բավական պայմանական են, հաճախ՝ խիստ ոճավորված: Մեր դրամների վրա լեռը ներկայացված է գրեթե ռեալիստական պատկերմամբ և առհասարակ, դարձերեսի այս պատկերատիպը, ավելորդություններից զուրկ պարզությունամբ, իր մեջ դեռևս պահպանած ունի հելլենիստական դրամական ավանդույթները:

Կարծում ենք, որ այս երկար էքսկուրսը բավականաչափ համոզիչ պետք է լինի քննարկվող դրամների վրա պատկերված լեռը Արգեոսի հետ նույնացնելու, բնականաբար նաև՝ դրանք Կեսարիայի դրամահատարանին վերագրելու գոյություն ունեցող տեսակետից վերջնականապես հրաժարվելու համար: Մյուս կողմից, մեծ ջանքեր պետք չեն ասլացուցելու համար, որ դրամի վրա պատկերված, միմյանցից խոր թամբարդով բաժանված երկու սրագագաթ սարերը, որոնցից աջ կողմինը մյուսից բարձր է, Արարատյան դաշտավայրից կամ հյուսիս-արևելքից դիտված Մեծ և Փոքր Մասիսներն են կամ Արարատ լեռը՝ շատ ծանոթ, վեհաշուք ու սիրելի տեսարան (նկ. 6):


Ի՞նչը կարող էր Առհեմի դրամների դարձերեսի համար Մասիսը որպես դրամատիպ ընտրելու առիթ հանդիսանալ և ի՞նչ կարող էր այլաբանորեն խորհրդանշել այդ պատկերը. Հուսիս երկու կայսրերի՝ Մարկոս Ավրելիոսի և Լուկիոս Վերոսի գերագույն իշխանությունը, Հուսիս և Հայաստանի

<sup>34</sup> W. W r o t h. Նշվ. աշխ., էջ XXXIX-XL:

միջև վերահաստատված դաշինքը, թե՛ Լուկիոս Վերոսի հովանու ներքո հայոց թագավորի և թագուհու միությունը:

Մի շարք հեղինակներ նկատել են, որ Մովսես Խորենացու մոտ հիշատակվող Տիգրան վերջինը կարող է նույնացվել Սոհեմ թագավորի հետ<sup>35</sup>: Եթե հայտնաբերվեն այս թողարկման լավ պահպանված նմուշներ, որոնք թույլ կտան ընթերցել գիմերեսի գրությունը, հնարավոր է, որ նրանում, իրոք, կարդանք ոչ թե Սոհեմ, այլ Տիգրան անունը: Դա կնշանակեր, որ Սոհեմը թագադրվել է Տիգրան ավանդական անվամբ, ինչպես անցյալում Ջենոնը, Պոնտոսի արքայի որդին, մ. թ. 18 թ. Հայաստանի գահը բարձրացավ Արտաշես անվամբ: Պատմելով Տիգրան Վերջինի մասին, Խորենացին ասում է նաև, որ «...Լուկիանոս կեսարը (ի նկատի ունի Լուկիոս Վերոսին)...Ետ գլխուի զկոյս, զմերձաւոր իւր, նմա կնութեան...»: Լուկիոս Վերոսի հետ հայոց թագուհու ազգակցական կապի շնորհիվ չէ՞՝ արդյոք, որ թագուհու պատկերը ևս հայտնվել է այս թողարկման վրա:

Սրանք հարցեր են, որոնք դուրս են ընդմիջտ մնան առանց վերջնական սլատասխանի: Այսօր կարող ենք գրեթե առանց երկմտանքի արձանագրել, որ մ. թ. առաջին տասնամյակում վերջին Արտաշեսյանների դրամաթողարկման դադարումից շուրջ հարյուր հիսուն տարի անց Հայաստանի ևս մի արքայի կողմից իրագործվել է դրամական թողարկում:



Նկ. 6

Մասիսների տակ սլատկերված Ա տառի վերաբերյալ կարող է առաջարկվել մեկնաբանման երկու վարկած: Մեկը, որ այն դրամի թողարկման տարեթիվն է, այսինքն՝ Սոհեմի թագավորման առաջին տարին: Այս դեպքում պետք է ենթադրել, որ դրամաթողարկումը կատարվել է միայն 164/5 թ., քանի որ Ա-ից բացի այլ տառերով դրամներ առաջմ հայտնի չեն: Ըստ մյուս վարկածի, որն ավելի հավանական է թվում, Ա-ն Մասիսի ստորոտին գտնվող Արտաշատ մայրաքաղաքի սկզբնատառն է, որտեղ և կա-

<sup>35</sup> Չ ա մ չ ե ա ն. Պատմութիւն Հայոց. Հ. Ա., Վենետիկ, 1784, էջ 355-357, К. К о с т а н я н ц. История Армении (краткий очерк. М., 1911, с. 42; Հ. Մ ա - ն ա ն դ յ ա ն. Նշվ. աշխ., էջ 50-52, К. В. Т р е в е р). Նշվ. աշխ., էջ 225-226:

տարվել է այդ դրամների թողարկումը: Եթե ընդունենք Ա. Պրեմերշտայնի վերոհիշյալ տեսակետը, որ հռոմեացի զորավարը Կայնեպոլիսը Հայաստանի գլխավոր քաղաք է հայտարարել Սմբատի ապստամբությունը ճնշելուց և Սոհեմին վերադարձնելուց հետո միայն, ապա այս դրամների թողարկումը կարող է տեղադրվել 164-ից մինչև մոտավորապես 167 թ. ընկած ժամանակահատվածում, երբ Սոհեմը դադարում էր Հայաստանի թագավորանիստ Արտաշատ քաղաքում:

## АРМЯНСКИЕ МЕДНЫЕ МОНЕТЫ, ЧЕКАНЕННЫЕ ПРИ ЛУЦИИ ВЕРЕ

РУБЕН ВАРДАНИЯН

### Р е з ю м е

Рассматриваемые монеты на лицевой стороне имеют портреты безбородого царя в армянской тиаре и царицы. Греческая легенда, расположенная вокруг портретов, остается пока нечитаемой, поскольку на всех 10 экземплярах, известных в настоящее время, она почти целиком находится за пределами монетного кружка. На оборотной стороне изображены две горы с остроконечными вершинами. Над горами греческая легенда полукругом, а внизу буква "A". П. Бедукян и т.д., который в 1978 г. впервые опубликовал одну из таких монет, считал возможным приписать эту эмиссию к Тиграну II (95-55 гг. до н.э.). Интерпретируя тип оборотной стороны как гора Аргей, Бедукян предположил, что монеты могут быть чеканены в Сезарее Каппадокийской. В CNG 36 (стр. 60) справедливо замечено, что скорее всего изображена гора Арарат. В этом каталоге монеты отнесены к Армении или Коммагене и датированы серединой I в. до н.э. Однако, круговая легенда лицевой стороны, а также изображение реального географического объекта на оборотной стороне характерны для монетной иконографии Рима имперской эпохи. В 2002 г. Музей истории Армении приобрел одну такую монету, найденную в Арташате, легенда оборотной стороны которой полностью сохранилась. Единственно возможное прочтение надписи: Λ(υκίος) Α(υρηλιος) Ο(υηρος) ΚΑΙΣΑΡ, что позволяет нам отнести эту эмиссию к Сохему, царю взшедшему на престол Армении в 164 г., после того как полководцы Луция Вера восстановили римское господство в стране. Буква A вероятно обозначает город Арташат.

## ARMENIAN COPPER COINS STRUCK UNDER LUCIUS VERUS

RUBEN VARDANYAN

### S u m m a r y

The coins under consideration present jugate portraits of a beardless king wearing Armenian tiara, and a queen, on the obverse. A Greek circular legend is as yet illegible since on all 10

known specimens it is almost completely off flan. On the reverse, two peaked mountains are represented. There is a Greek semicircular legend above peaks, and the letter A below them. P. Bedoukian has attributed this issue to Tigranes II (95-55 B.C.), interpreting the reverse type as Mount Argaeus and supposing it to be struck at Caesarea of Cappadocia. In CNG 36 (p. 60) is rightly noticed that the reverse type, in fact, represents the Mount Ararat, but this coinage is placed in Armenia or Commagene, and is dated circa mid 1st century B.C. However, the circular legend of the obverse and the representation of a real geographical object on the reverse are rather typical for the coinage of the Roman imperial period. Recently, History Museum of Armenia has acquired a specimen, found in Artashat, the reverse legend of which is wholly legible. The only possible interpretation of this inscription should be  $\Lambda(\sigma\kappa\iota\omicron\varsigma) \text{ A}(\sigma\rho\eta\lambda\iota\omicron\varsigma) \text{ O}(\iota\eta\rho\omicron\varsigma) \text{ KAI}\Sigma\text{A}\text{P}$ , which allows us to attribute this bronze issue to Sohaemos, ascended the throne of Armenia in 164 A.D. after the Roman domination has been reestablished in the country by the generals of Lucius Verus. The letter A probably indicates the city of Artashat.